

AUTONOMIA ERKIDEGOKOA ZABALDU ETA PROBINTZIAKOA DESAGERTZEA BULTZATUKO DUTE

Espainiako metaleko hitzarmena 2000rako iragarri du CCOOk

■ CCOO eta UGT sindikatuak metal alorreko Espainia osoko hitzarmena sinatuko dute 2000. urtean. Komunitate mailako hitzarmena ere zabaldu eta probintziakoa desagertzea bultzatuko dute. 2000rako 35 lanorduek egia izatea espero dute bi sindikatuok.

Joseba Aiarza / Bilbo

ESPAINIAKO ESTATUKO bi sindikatu nagusiek eta patronalak metal alorreko lan hitzarmena negoziatzen dihardute dagoeneko. CCOO, UGT eta Confemetalen helburua Estatuko hitzarmenak lan kontu nagusiak jasotzea da, gero negoziazio esparru txikiagoetan garatzeko, Ignacio Fernandez Toxo CCOOeko Metaleko arduradunak atzo Bilbon azaldu zuenez.


Toxo Hego Euskal Herriko CCOOeko metaleko 150 bat ordezkarekin elkartu zen atzo. Bileraren ostean komunikabideen aurrean adierazi zuenez, bere sindikatuak eta UGTk Estatuko metaleko lan hitzarmenaren azpian komunitate autonomo mailakoa eta enpresakoa jarri nahi dituzte.

CCOOek ziurtzat eman du Langileen Estatutuaren 84. eta 83. artikuluek —lan hitzarmenaren esparrua zehazten dutenak— Estatu mailako metaleko hitzarmena negoziatzeko posibilitatea jasotzen duela. Hego Euskal Herrian, hala ere, metaleko negoziaketak kolektiboaren egitura herrialde eta enpresa mailakoa da.

Ildo horretatik, CCOOeko metaleko arduradunak ELAri eta LABi negoziazio horretan sartzeko eskatu diete, nahiz eta sindikatu abertzaleak proiektu horren aurka azalduko direla jakin.

«ELAk ez du Euskal Herrikan ezer sinatzen, baina ahalginak egingo ditugu jokabide hori alda dezan, baita EAEko negoziazioa bere kabuz egin ez dezan ere», azaldu zuen Toxok.

Estatu mailako metal hitzarmenaren lanaldiaren antolamendua, soldaten egitura, sailkapen



Soldata igoera apalak onartzearen trukean 35 ordueko lan astea eskatuko diote UGTk eta CCOOk Espainiako patronalari 2000. urteko metal alorreko lan hitzarmenerako.

XOUSE SIMAL

profesionala, jokabide kodea eta antzeko edukiak negoziatzen ari dira Confemetal eta CCOO-UGT sindikatuak. Negoziaketak 1999. urtean zehar aurreratu eta 2000rako sinatu nahi dute.

Lanaldia eta prekarietatea ■ CCOO eta UGT prest agertu dira Estatuko patronalarekin soldaten moderazioaz eta lanaldiaren malgutasunaz hitz egiteko, 35 lanorduen helburuaren truke. Helburu hori ere 2000. urterako lortu nahi lukete Estatuko sindikatuak.

Toxok ohartarazi duenez, Alemania, Frantzia eta Italia ere bide horretatik doaz. Haren ustez, argi geratu da Europar hazkunde ekonomikoak ez duela behar adinako enplegua ekarri, eta hor-

tik etorri da 35 lanorduen aldeko mugimendua, azken aldaketa politikoek lagunduta.

Lanaldiarekin jarraituz, CCOO eta UGTk lanordu estrak mugatzeko proposamena aurkeztu diote Madrildo gobernuari, honek legez jasotzeko. Proposamen horren helburua aparteko lanorduek gehienez gaur egungo urteko 80tik 60ra jaistea da. Eguneko eta langileko gehienez bi lanordu egin ahal izatea proposatu dute, eta asteko kopurua ere mugatua izatea nahi dute.

Espainiako Estatuan hamar langiletik zortzik lanordu estrak egiten dituzte, eta ordu hauen kopurua handitu egin da azken urteotan: aparteko lanorduek egiten dituzten langileek urtean 25etik 37ra gehitu dute kopurua,

legezko lanordu estrei dagokionez (ez legezkoak askoz gehiago baitira).

Bi sindikatuak Madrili egindako proposamenean lanaldi laburreko lana, ordezkapen kontratua eta, orokorrean, lanaldiaren murrizteari lotutako enplegua sustatzea nahi dute, «bide horretatik posible izango delako enplegua galtzeko joerari fretoa jarzea».

Lan prekarietateari dagokionez, CCOOek ohartarazi dute EAEn behin-behineko lana Estatuko baino altuagoa dela: %33,5 Espainian eta %44 EAEn. Horren arrazoia, Estatuko sindikatuak eta patronalak iaz sinatutako akordioak (azken lan erreforma) EAEn zabaldu ez izana dela esan du Toxok. X

HBk 35 lanorduen aldeko kanpaldiak egingo ditu asteburu honetan Bilbon eta Donostian

■ Bere dinamika sozio-politiko herrietara eramateko lehenengo urratsa izango da ekimen hori

J. Aiarza / Bilbo

HERRI BATASUNAK kanpaldiak antolatu ditu Bilbon eta Donostian asteburu honetan, «35 lanordu, gizarte soldata eta etxebizitza duinaren alde». Ekimen horren bidez, HBk bere estrategia sozio-ekonomikoa herrietara eramateko lehenengo pausoak eman nahi ditu, Eusebio Lasa Mahai Nazionalen arlo sozio-ekonomikoaren arduradunak adierazi duenez.

Kanpaldiak Bilboko Arenalean

eta Donostiako Okendo plazan izango dira. Leku bakoitzean 30 bat kanpindenda eta ehun militantetik gora elkartuko dira. Kanpindenden aurrean karpak handiak zabalduko dituzte, non hitzaldiak, mahai-inguruak eta eztabaidak antolatuko dituzten, baita erakusketak, bideo-emaaldiak eta bestelako aktibitateak ere.

Kanpaldi honen helburua nagusia gizartearen langabeziaren eta gizarte bazterketaren arazoaren inguruko sentsibilizazioa zabal-

tzea da, eta horregatik herritarren partaidetza ezinbestekotzat jo dute David Alonsok eta Miren Zinkunegik, HBko Bilboko eta Donostiako zinegotziek.

Donostiako kanpaldiari dagozkion ekintzak gaur arratsaldeko seietan hasiko dira txupinazobatekin. Ondoren dendak muntatu eta ingurua dekoratuko dute, eta 8:30etan 35 lanorduen eta lan banaketaren aldeko hitzaldia antolatu dute HBk, LABek eta Jarraik.

Bihar eguerdiko 12etan,

berri, kalejira, panfleto banaketa eta aldi baterako laneko enpresa batean kontzentrazioa egingo dute. Arratsaldeko seietan gizarte soldataren inguruko mahai-ingurua izango da, eta 9etan amaituko da.

Bilbon gaur zortzietan gizarte soldataren inguruan mintzatuko dira Nekane Jurado, HBko kidea, eta Jose Ramon Castaños, Gogoia plataformakoa. Bihar 12etan lan banaketari buruzko mahai-ingurua izango da, eta igandean mitina izango da eguerdian. X

Jaurlaritzaren Arrantza ikerketa eredia ezagutzera etorri dira Madrildo Gobernuak

■ Zamudion egon dira Espainiako Nekazaritza Ministerioi ikerketa buruak

Erredakzioa / Bilbo

EUSKO Jaurlaritzaren arrantza eta nekazaritza galetarako ikerketa eredia ezagutzera heldu ziren atzo Espainiako Nekazaritza Ministerioi ikerketa Institutuko buruak Zamudiora (Bizkaia). 1998-2001 Nekazaritza eta Arrantza Ikerketa Planaren nondik norakoak azaldu zizkieten Zamudiko teknikariak Espainiako ikertzaileei. Horrezaz gain, Aberekin intseminazio zentroa ere ezagutu zuten.

Eusko Jaurlaritzak iaz abiatu zuen ikerketa egitasmoaren helburua produkzio, teknologia eta prozedura berriak abiatzea da. Ikerketa talde multzo ezberdinak dauka: Proposamen Berdeak nekazaritza, abelzaintza, basogintza eta ingurugiro proposamenak biltzen ditu; Proposamen Txuriak elikadura alorrekoak; Proposamen Urdinak arrantza eta itsas ingurugiro ataletakoak, eta Erromako Zubia Proposamena informazio eta teknologia trukatzeko proposamenak biltzen ditu. X

Derrigorrezko lugorria %10era igo nahi du EBK

Erredakzioa / Donostia

ZEREAL produkzioa egokitze-ko asmoz, Europako Batasuneko nekazariak lursailen %5 lugorri utzi behar izaten dute urtero derrigor, Bruselak hala agintzen duelako. Ehuneko hori %10era igo nahi du orain Bruselak, zereal produkzioa handiegia dela uste duelako eta horrek prezioak jaitsi egingo dituela uste duelako.

Nekazariak, ordea, ez dauka ados, haien ustez merkaturko gorabeherak Europako Batzordeko kudeaketa okerraren ondorioa baino ez direlako. «Guk ez dugu zertan kudeaketa kaotiko eta kontrastesan baten ondorioa ordaindurik», ohartarazi dute AGPB Frantziako Gari Ekolizeen Elkarteko kideak.

Merkatua orekatze aldera, Bruselak 36,7 milioi tona gari kenduko ditu merkaturtik. Iaz 26 milioi tona kendu zituen.

Lugorrian utzi beharreko portzentaiaren igoera argudiatzeko, Franz Fischeler komisarioak esan du gordeta dauden soberakinak handiegia direla. X